

繡刻投梭

記定本

目錄

- | | |
|------|----|
| 第一齣 | 家門 |
| 第二齣 | 敘飲 |
| 第三齣 | 逼娼 |
| 第四齣 | 渡江 |
| 第五齣 | 訂盟 |
| 第六齣 | 拒奸 |
| 第七齣 | 恣刼 |
| 第八齣 | 折齒 |
| 第九齣 | 卻說 |
| 第十齣 | 應聘 |
| 第十一齣 | 謀竄 |

第十二齣 忠告

第十三齣 閨敘

第十四齣 出關

第十五齣 陰伏

第十六齣 赴宴

第十七齣 約社

第十八齣 哭友

第十九齣 魔見

第二十齣 鬻女

第二十一齣 出守

第二十二齣 賽魔

第二十三齣 救女

第二十四齣 □ □

第二十五齣 □ □

第二十六齣 逆節

第二十七齣 交戰

第二十八齣 閨紉

第二十九齣 獲醜

第三十齣 逃避

第三十一齣 奠江

第三十二齣 大會

投梭記

明 徐復祚 著

第一齣 家門

〔瑤輪第七〕〔末上〕瑤輪先生貌已焦。何事復啾啾。自從世棄。屏居海畔。煞也無聊。況妻身號冷。子腹啼枵。不將三寸管。何處覓逍遙。算來日月。只有酒堪澆。一醉樂陶陶。自歌自舞。自斟自酌。暮暮朝朝。但清風無偶。明月難邀。聊將離索意。說向古人豪。〔問答照常〕

〔滿庭芳〕江左風流。謝郎稱最。居平醉日恆多。東鄰有女。一見締絲蘿。奈可虔婆作梗。輕貧士取鬧投梭。生惡計。巧乘折齒。逼泛豫章艖。王敦方犯闕。錢鳳繼起。滿地干戈。痛周戴尙書罵賊遭磨。幸有伊尼助陣。戰采石重整山河。縹鳳氏死中得活。重會秣陵阿。

謝幼輿折齒寧土苴。

元縹風守節几菹鮓。

兩尙書駢戮得褒封。

鹿大王助陣堪驚詫。

第二齣 敘飲

〔破齊陣〕〔生冠服扮謝鯤上〕鵠鷺清班謝卻林泉雅致堪娛。冠掛東門。吟成梁父。到處詩朋酒侶。鞦鼓中原多俶擾。藜杖西山且挾書。蹉跎光景徂。〔清平樂〕中原鼎沸。帶甲滿天地。解組歸來聊自避。寂寂柴門長閉。閒來何事徜徉。筆牀酒盞茶鐺。試問東華熱哄。何如北牖清涼。下官姓謝名鯤。字幼輿。陳國陽夏人也。父親任至國子監祭酒。家于秣陵之落星橋。下官賦性落拓。不修威儀。向爲東海王府參軍。因見他作事乖張。遂謝病歸。自家居以來。日惟飲酒讀易。不與外事。但飲量頗弘。又不善生產。薄田陋室。盡作酒資。以此家業蕭然。難以度日。荆妻王氏。乃豫章王車騎之女。不但瑤編彤管。追班氏之芳蹤。且喜裙布斂荆。守孟光之雅操。岳父見我家貧。時常看齊。這幾時不見來。想因道路遙遠。兵戈阻澀。以此間問久不相通。連日家中空乏。不知早膳已炊得否。夫人那裏。

〔前腔〕〔旦上〕操作自甘朝暮。服勞豈憚勤劬。狼狽生涯。蠅蛸門戶。謾說樂饑。

蓮軸。自分蓬蒿甘淡薄。寧向花枝鬪麗妹。雲鬢羞整梳。〔見介生〕夫人。我致政歸來。樂有餘。閒居不飲待何如。〔旦〕相公。學成文武須當貨。何故棲遲泌水隅。相公。我看你志氣騰驤。人才超乘。筆下三千牘。學究天人。胸中十萬兵。機參造化。當此龍爭虎鬪之日。正汝鳳翥鸞翔之時。何乃爲飲酒自廢之鄭伯。竟不學乘時赴會之蕭曹。況三餐不繼。半菽膏虧。日高未炊。何日是了。〔生介〕夫人。卑人豈無當世之志。但須待時而動。當今晉室不綱。五胡雲擾。東海王越井蛙。宵鼠耳。成得甚事。是以不欲爲其參軍。卑人正恐終不能免耳。夫人乃欲褰裳就之乎。目前窮苦。何足介意。古人三旬九餐。貧豈獨我。

〔玉芙蓉〕我遺榮忽若無。歸杖真知足。向波濤乞得泉石閒軀。飢來菰菜和雲煮。興到村醪帶月沽。無憂慮。但捫蝨自語。任京塵眯眼。怎到草茅廬。

〔前腔〕〔旦〕你饑寒迫向隅。牢落悲難遇。拙謀生絕似玄晏相如。荆扉盡日無人扣。涸轍何時得水甦。雲衢路。似康莊須驚勸。君家早奮。莫待哭窮途。〔生〕夫人。說話良久。腹中甚飢。不知可有早膳。〔旦〕廚中乏米。尚未得炊。〔生〕我已罷官。這袍服要他何用。你

就與我脫去。央鄰家小二換了幾貫錢。買些米。多沽些酒來消遣。〔旦脫衣應介〕曉得。胸中徒有千金賦。囊裏慚無一貫錢。〔下生弔場〕

〔新荷葉〕〔外上〕唱罷銅鞮日欲晡。花前醉樽前起舞。〔小生上〕春山無伴訪潛夫。丁丁伐木聲相赴。〔外〕下官周顗。字伯仁。官拜尚書。〔小生〕下官戴淵。字若思。官拜尚書僕射。伯仁兄。此間已是謝幼輿家門首。與你逕入。〔生迎接介外小生〕江左衣冠愛惜春。時時豪飲任天真。〔生笑介〕知君此興應非淺。笑我藜藿終難作主人。伯仁若思二兄。何以忽蒙枉顧。〔外小生〕我輩在新亭飲酒。不得足下。無以爲歡。故此相造。〔小生〕并攜得青蚨半千。幼輿可去沽些酒來。以完我兩人未闌之興。〔生〕小弟正因悶坐無聊。廚中告匱。已把小弟所穿袍服。倩鄰家小廝換酒去了。二兄少待。〔向內問介〕夫人。沽得酒到。就煖來我輩同飲。〔內應介外〕小弟一來造飲。二來也要勸幼輿出仕。若是你把袍服都廢。難道絕意仕宦了。所謂幼輿不出。其如蒼生何。〔小生〕豈但蒼生。其如數口何。〔生嘆介〕

〔錦纏道〕自笑我計迂疎。似仲蔚蓬蒿滿居。蕪穢積庭除。〔外小生〕弟輩開得幼輿也。

貧得緊了。不知何以度日。(生)但饑來採盡山蕨溪魚。(外小生)難道便足了你一生麼。

(生)我用不了青山下雲犁月鋤。一任他紅塵中伯略王謀。笑傲觀沈浮。管什麼爭龍鬬虎。(外小生)可不埋沒了英雄。(生)本是乾坤一腐儒。豈堪與人間張主。自合掩蓬門蝶夢任蘊蘧。

(朱奴插芙蓉)(旦攜壺上)雪花釀流霞滿壺。烹葵韭香浮朝露。(生)想是有酒了。待小弟去取來。(出介)夫人。可是有酒了。(旦)自媿匆匆缺雞黍。(生)不妨。都是相知的。儒家味從來儉素。夫人請進罷。(旦下生持酒見介)二兄。這是苜蓿具。恐不堪下箸。似這般貧儒作供。直得一胡盧。(飲介外小生)幼輿。弟輩自過江來。還不曾有一日醒哩。

(傾杯序)這是醒醐。澆塊磊。送居諸。誰解得杯中趣。(生)斷送了幾場蝸戰。幾遍蜂衙。幾處蛙鳴。幾許龍圖。(合)似這般兵戈蔓衍。中原瓜剖。天地秦蕪。豈容人睜開醒眼看飛鳥。(外小生)請問幼輿。當今豪傑是誰。(生嘆不答小生)王敦卻也豪爽。(生笑介)王處仲蜂目豺膺。此人得志。飛而食人。不意二兄人倫之鑒。一昏至此。(外小生)未便如幼輿

之言。請問幼輿。何以遂堅丘壑之志。

〔小桃紅〕〔生〕我豈甘落魄山之曲。閒浪蕩溪之澳。笑悠悠若個能刮目。紛紛何地堪投足。沐猴唬虎。干碌碌只落得坐觀傀儡悲哭。我輩今日飲酒快甚。如何說起朝家事來。二兄應罰大觥。〔外小生笑介〕應罰。應罰。〔飲介〕

〔福馬郎〕對酒何當談世務。且進盃中物。休自誤。花開謝只須臾。天地一丘墟。便宜事醉模糊。

〔尾聲〕由來酒是人間祿。且濡首旁觀榮共辱。莫問劉興與項蹙。〔外小生〕弟輩醉矣。姑且別去。改日再來。

酌酒與君君自寬。

山川龍戰血漫漫。

乍逢酒客清遊慣。

談笑功成恥據鞍。

第三齣 逼娼

〔光光乍〕〔小丑扮元鶴子上〕老去病來纏。花謝豈重妍。曾擅平康鉛華選。怪的是

小孫兒忒寒賤。〔昭君怨〕春到驚翻繡幌。陌上柳條新放。花月傍樓臺。鏡奩開。悶把闌干倚。羞見鴛鴦雙起。休說舊風流。皺眉頭。老身李氏。原是教坊中角妓。此間落星橋有個財主。姓元。名緒。因到我家來。闖得得意了。遂娶了老身。到得他家。不上十年。家道消折。老兒也就死了。他前妻掉下一個女兒。喚名縹風。年方二八。生得千嬌百媚。從小教他吹彈歌舞。頂真續麻。風流調笑。諸事皆精。老身無以糊口。只得仍做教坊中勾當。屢屢教他接客。只是不從。今日不免再喚他出來。勸誨一番。縹風兒那裏。〔占上〕

〔似娘兒〕顧影自悲憐。嚴親喪家道顛連。青銅怯照芙蓉面。朝雲嬾赴春陽。怕踏懊惱情塢。〔見介〕母親萬福。〔丑〕〔菩薩蠻〕孩兒。你不見春燕掩映鞦韆裏。春波搖動鴛鴦起。多少俏王孫。金鞭鼻翠裙。〔占〕母親。我繡窗閒自坐。那管春光過。任他紅紫飛。春愁不到眉。〔丑〕我兒。你在房中做甚。頭也梳得不整齊。花兒也不帶朵。〔占〕孩兒在房中繡花。梳甚麼好頭。〔丑〕我這樣人家。繡甚麼花。你接了個富貴郎君。怕沒得穿。沒得帶。到自去做生活。依着做娘的。還梳個好角兒。穿套好衫子。搽些脂粉。人來也好看。〔占〕母親。這是甚麼說話。父親在日。也是秣陵有名目的人。

骨肉未寒。何忍爲此勾當。倚門獻笑。再也休題。〔丑〕我兒。那裏是你娘要你做這勾當。自從你父親亡後。家中十分艱窘。開門七事。那一件不在做娘的身上。你若不肯接人。教我如何度日。況你這般容貌。這般年紀。就不說與我掙錢。你自己青春也不可蹉過。〔占〕母親聽稟。

〔月上五更〕繡榻閒凭遍。春光任流轉。〔丑〕你雖不肯接客。我今開着門戶在此。只怕那些子弟們也饒你不得哩。〔占〕何處閒蜂蝶。敢逐桃花片。〔丑〕外邊這般好景。不要子也是癡。〔占〕一任南陌東城。遊絲趁風軟。〔丑〕日日坐在房中。難道不悶人。〔占〕我金針絳罷重添線。那管他樹底流鶯。簷前飛燕。〔丑〕兒。那間房子有甚好處。〔占〕有秦川錦玉女梭。并州剪。閨中此景堪留戀。〔丑〕難道住了你一世。〔占〕縱便是歲歲年年。亦何愁何怨。

〔蠻江令〕〔丑〕我這冷落閒庭院。貧窮怎消遣。我與你兩口。朝夕裏七件將何辦。你不見南瓦北瓦。整日笑喧闐。偏我把門兒閉。匾兒面何曾見。

〔月照山〕〔占〕生小多婉變。風月閒情淺。那賣笑喬衣飯。未語先羞覩。煙月招

牌明明攝魂券〔丑〕我兒。你不要說盡了。做小娘不好。接了有錢的子弟們。要喫有珍羞百味。要穿有錦繡千箱。〔占搖頭介〕娘。羞答答虧你說這話。何須揀食穿衣絹。便是腹餒身寒。也勝是勾欄里串。母親。既是家裏艱難。隨分女工針指。機梭織紡。孩兒件件都會。情願朝夕無懈。奉事母親。你休心偏。嚇他人喉下涎。還則望週全。結孩兒指下緣。〔丑背介〕縹風執性如此。一時未便勸得他轉也。且不要難爲他。他說願做女工。我就將計就計。要他織錦。待織不出時。打他有名。機兒不許他擺在房裏。要擺在當門。等這些過往子弟日日刮他。少不得刮上了。〔對占介〕孩兒若肯生理。我又何愁。我思想起來。只有織錦好生理。又怕辛苦難爲你。

〔涼草蟲〕縹成天女絲。分來園客蠶。無昏曉。須勤勉。只愁你寒窗百慮煎。體嬌心倦。待織到連理花枝。還須留意纏綿。〔丑〕我兒。明日就去買了機兒。揀好日就動手。你一日不趁。一日不活哩。〔占〕曉得。

春風永巷閉娉婷。

曉夜機聲呶呶鳴。

唱盡新詞歡不見。

烟花冷落過清明。

第四齣 渡江

〔雙勸酒〕〔副淨扮錢鳳上〕

蓮條戚施。甘言悅耳。似向火乞兒。承顏順旨。奴顏婢

膝任人嗤。好官自我爲之。生平性格似虺蛇。腹有戈矛臉有花。有甚意頭求富貴。設些巴鼻便

奸邪。下官姓錢。名鳳。表字世儀。嘉興人也。若論我平日做人。真個有許多奇妙。天生成一條爲鬼爲

蜮。半明不白。秤鉤兒般的直肚腸。又長成一副斑斑駁駁。花嘴花臉。染缸兒似的好面貌。別沒甚伎

倆才能。專一味脅肩諂笑。見貴人蹲低了曹子交的長身。好似頂枯骸的死尾狐。對小民拽扎起闊

羅王的狼臉。有如新出林的金錢豹。逞着三寸簸人弄人的快舌。當地便起千丈風波。藏着百般算

人哄人的機謀。對面還如九嶷峯嶠。赤頭蠅任爾嗔憎。白日鼠由他譏誚。嘗盡了美甘甘香馥馥董

賢鄧通的黃龍陽。嗅盡了臭烏筋泥滑辣五侯七貴的韓鼻凹。送錢財上門。忙忙仲著頸好似鵝頭。

好朋友相訪。請請縮着頭猶同烏龜。假謙恭賽過王莽。施詭譎不數曹瞞。人都道我是楚元極的

教門。我自想還是吳伯嚭的腔調。〔笑介〕那會怕生前三尺難逃。還只愁死後一報還報。我錢鳳蒙

王大將軍擡舉。現做參軍。名位雖不甚高。腹心頗頗相托。中軍帳惟我獨尊。前箸籌誰人敢借。目今

晉室不綱。刁劉擅政。大將軍現總八州軍馬。聲勢赫奕。朝野震恐。況有親兄王導。現爲丞相。每事與大將軍相爲表裏。眼見得大事可成。受禪有日。那時大將軍做了皇帝。王丞相做了皇兄。我錢鳳豈不是第一個佐命元勛。好暢快活。且待進見之時。勸他早早渡江。呀。轅門掌號。想是大將軍陞帳矣。

〔淨扮王敦上〕

〔秋蕊香〕睥睨乾坤雄志。干將劍雙倚雌雄。典午衰微棲遲江沚。定伯略必須翦此。〔減字木蘭花〕朝廷多故。須知鼎革天之數。誰廢誰興。可奈狐狸擾玉京。英雄困久。從今得展拏雲手。南向揮戈。直搗新亭奈我何。孤姓王。名敦。字處仲。瑯琊臨沂人也。尙武帝襄城公主。拜駙馬都尉。後因翼戴今上。累拜鎮東將軍。都督江南等八州諸軍事。駐劄姑熟。我想晉室凌夷。王氣將盡。況有劉隗刁協在內弄權。每每排沮孤家。孤今乘累代餘威。藉八州士馬。內有吾兄茂弘。外有參軍錢鳳。晉室宗社。何愁不入吾掌。吾兄已差人在此徵取入朝。不乘此渡江而去。更待何時。〔笑介〕蛟龍豈久池中物。騏驎寧甘櫪下終。叫將官大開轅門。請錢參軍議事。〔衆介副淨入跪介〕主公。錢鳳見。〔淨〕世儀少禮。世儀丞相有書來。朝廷亦有使命。取我入朝。何時可去。〔副淨〕鳳聞時不可失。卽

今日便宜渡江。不可遲滯。〔淨〕分付大小三軍。趁此風日晴和。速渡過江去。〔衆〕吶喊介。

〔朝元令〕揚旌誓師。千里龍蛇字。橫槩賦詩。千古風流事。整頓艤艫。遠臨江汜。只爲羣狐爭肆。天地無私。干戈斧鉞寧浚時。白羽逐青絲。龍旂引鳳輜。〔合〕風颿如駛。指日見錦衣兵士。錦衣兵士。

〔前腔〕滾滾波濤吞噬。靈潮萬里澌。天塹勢難支。看京觀陳屍。舟中掬指。窮醜自求顛躓。江左一枝。枯魚响沫真可嗤。管教你愁遂楚天滋。恨同吳水咨。〔合〕

〔前〕

〔前腔〕隱隱金焦山寺。狂瀾砥柱斯。暢望酒頻醺。吳楚分雄。乾坤自爾。笑問朝宗何自。撫景追思。投鞭欲濟誰敢尸。矯矯祖生詞。鬼鬼公瑾祠。〔合前〕

〔前腔〕渺渺煙青峯紫。山巒挺玉芝。雲樹映茆茨。錦浪霞浮。金波日刺。噴浪鯨鯢不試。雲影天光。中流自在堪舉卮。短棹泛鸕鷀。長汀立鷺鷥。〔合前衆〕稟爺已到。

石頭城下了。〔淨〕錢參軍。孤已到此。如何百官不出迎接。不來犒師。傳下號令。著軍士高聲大叫。著

晉家宰執軍前議事。〔副傳介〕大小三軍。大將軍有令。向城下高叫。喚晉國大臣軍前議事。〔衆應喊介外小生醉容上〕

〔三棒鼓〕石頭城下酒如溜。色過琥珀瓊脂也。醉何辭。狂來撚髭。醒來抹眵。難自揜。還愁明朝欲買無貲也。難賒一鷗。難賒一鷗。〔小生〕伯仁兄。我輩飲酒甚樂。忽聞王敦渡江而來。其意何如。〔外〕他不臣之跡。頗彰露。果不出幼輿之言。今來入朝。目中那有我輩。相見時和你不宜卑屈。使彼覲江東無人。〔小生〕伯仁所見極是。〔外對小卒介〕報去。說有周戴兩尙書拜望。〔卒報介淨〕錢參軍。相見之禮若何。〔副淨〕待錢鳳出去講定了。然後相見。〔淨〕說得是。〔副淨出見介〕二位老先生拜揖。〔外小生〕世儀兄拜揖。〔副淨〕二位莫非要見大將軍麼。請問如何行禮。〔外小生〕呀。朝廷自有體統。尙書八座之尊。難道停參不成。〔副淨〕老先生差矣。大將軍禮絕百寮。位在諸侯王上。況今日手握重兵。江左危于繫卵。卽官冢尙且拱手。二位老先生何難屈膝。尙以禮數之虛文。賈不測之實禍。那時螳臂奚施。麝臍空噓。莫怪錢鳳此時不言也。〔外小生笑介〕世儀大將軍雖尊。同爲朝廷臣子。非有君臣之分。大將軍來而我輩不出。罪在我輩。出而不接。罪不